

摘藻堂四庫全書薈要

集部

欽定四庫全書薈要

集部

秋澗集卷二十三

四

臣董誥詳校
詳校官助教臣謝登雋



欽定四庫全書薈要卷一萬六千一百七十九

集部

秋澗集卷二十三

元 王暉 撰

七言律詩

贈西雲上人

系海雲
高弟

前日賓筵偶遂披睹一言有機口有不能言者如雲
之在天水之在餅不復喻其快也謹裁鄙詩奉為上
人一噓

吏用公才不易逢茶烟多颺落花風登壇懸斷羣機息

面壁傳心萬法通
慧眼正來珠媚浦
浮雲飛盡月當空
虎溪公案元瀟洒
會酌松軒一笑同

謝岳昭文惠新歷

夢破敲門蝶翅翩
一編星歷行堯天
人憐短景催殘臘
斗轉嚴城永日躔
天外春回龍集閣
林間香動紫生烟
迢迢細付宮壺漏
正是昭文進德年

跋祈真人畫像

何處人間有洞天
青藜曾探寶珠玄
柱頭留語疑遼鶴

物外孤吟覓閬仙
木食草衣元澹泊
竹風松月自清圓
壽宮舊有燒丹竈
空憶靈砂漬夜泉

送安叅政南還汴梁

并序

參政安公與僕定交於中統初元
契濶者廿寒暑大德戊戌春邂逅於京師
樽酒談話追憶疇昔念故舊之凋零感歲月之易邁情不能已者謹以唐律為贈
既光回旆且寓愚意之所託云

黑頭早挿侍中貂
當日雲霄一羽毛
忠翊殿庭稱謹密

量吞河海見雄豪
風雲夢繞調元鼎
琕瑋光含切玉刀
此去斯文應有記
豐碑還擬泰山高

題南塘居士宋公畫像卷後

南塘結夏水芝香
對展蘇黃拜燕堂
文獻在公推故舊
琴樽娛客盡徜徉
傷心此日空圖像
照眼庭堦失雁行
白首那堪題往事
未容拈筆涕先滂

跋東門祖道圖二首

東門祖帳盛官儀
淠淠鸞旂動漢駢
燕几道尊邊有踐

碧空雲靜日重暉飄瀟物表桑榆景洒落人間寵辱機
東海西邊兩丘土至今書畫見宮闈

二疏心跡本鴻冥解紱南還敝屣輕劍履中朝陪百辟
風雲高駕渺雙旌問金奚有田廬計歸夢都忘寵辱驚
詔獄淳然賢傳死虛勞明主問蕭生

奉和寅甫學士九日迎鑾北口高韻

青山紅樹映晴霓玉削方臺積粟西不憚陂陀屢登涉
喜陪朝謁共扶攜霜風偃薄千林靜雲海蒼茫萬象低

心自屏營瞻戀切佩聲常在筍班齊

翠華南下拂雲霓駐驛軍都漢縣西龍虎臺高驚峻絕

蓬瀛人老許扶攜

又鷺鷥班
迫許扶攜

九天日月瞻光近萬國衣

冠入望低佳節迎鑿得清賞牛山初不羨東齊

過趙瓠瓜林墓

靄靄停雲有所思樂天池上獨來時瓠瓜散落和雲闕

扶疎闕醉移樽酒草堂前日夢小山叢桂闕猿悲

闕因憶桓伊事却撫闕

為解頤

長至日即事

睡起閒來催賀節
牙牙紅點雁成行
灰飛琯透千門遠
繡刺功添一線長
極壽百年驚過半
從心七秩有三霜
發身不羨錢神潤
要把青箱付窟郎

輓平章御史中丞克齋公

豸冠高聳絳為鞬
霜色橫空一鶚秋
癘鬼遽來闕 日露
泰山歛裂駭黃流
氣從溫造行間魄
龍逐闕 下游

反袂兩行知已淚
黃雲衰草夢西州

闕

西州者蓋暗取羊

晏西州
門事也

哭輓母弟略監使

分攜洹水儘離愁
誰料儀真是徹頭
留別有詩驚咄咄
逝波無夢便悠悠
遠遊不負江山興
鞭策闕管闕疇

老子慮來非一事
后溪溪上暮山頭

雪後即事

一雪都城二尺強
桂珠生事日尋常
羣鳥恹恹飛不下
萬木林林凍欲僵
頭戴鶡冠甘潦倒
氣同尺蠖伏泥葦

倘為得放歸田去亦是明時盛事彰

闕

翰林即事

闕

湘雲彌月二首

是日先府君忌辰

珍菓犀錢祭洗盆鎖牕香霧濕湘雲
春風暖透青綾被

初度祥開貝葉文
穉竹翠含筠
籜嫩猗蘭紅
茁露芽芬
細裁百疊清江錦
留待鞶囊備綵紛

彩檻移春照綺牕
酒舫浮臘進中堂
負暄比獻茆簷日
燕寢先分鈿几香
缸燼翠凝鏘鳳螭
蘭膏春滿洗兒湯
顧應我父情鍾愛
一笑燈前撫坐床

送杜熙正省掾考滿授四川省都事

扣門有客稱熙正
考滿西歸得蜀除
照眼鄉鄰韋曲好
趨程閣道劍門墟
烟霄顧接新桃李
勲業紛翻舊簿書

鄭重故人高左轄
雪山清興近何如

聞長春宮溪水復至

臨漪門外碧波融
又見分流入道宮
閬苑烟霞增景氣
寶山松桂動春風
忘機靜玩沙鷗雪
潤物中涵上善功
道脉川流元一致
滔滔東注浩無窮

謝徐容齋贈梅

燕釵宮額蠟粧勻
夢繞羅浮雪裏春
持贈一枝遮老眼
淡依疎影度黃昏
風流燈下佳人面
瀟洒吟邊竹葉樽

我老忘情被花惱曲幌深鎖惜芳温

容齋清節揚州遜贈我官梅興寄深宮額黃嬌渾綴蠟
綺窻香淡不盈襟春融壺浸催先發雪壓溪橋憶練尋
節舍玉堂初不間似將渠表歲寒心

弔鄭徵君悅心

江南長洲人年將四十以氣疾
死大都官舍善五星有易學注

鄭氏
新說

春風雙節入閭門吳市東廊遇異人太易有靈蟠化筆
天星飛跳見凝神燈幽毳室驚媧畫槎泛銀潢挂析津

反袂兩行尼父淚定中臺下泣吾麟

范徽卿風雪和林圖

天策桓桓控上遊邊庭都付晉藩籌河山表帶連中夏
風雪洪濛戍北樓笑看竒謀收藥籠未妨民賦課甌婁
丈夫志在飛而食不讓班超定遠侯

題劉處士墓碑後

劉君襟韻晉人清耆舊風流有典刑三代鼎彝資噩噩
一家鴻鵠自冥冥曾中素貯文康訓雲際曾瞻處士星

花
落
草
堂
人
去
後
陵
翁
時
過
看
埋
銘

大德二年冬十一月同昭文大學士若思登太
史新臺周覽儀象久之而下侍行者妣子公
特

徙倚靈臺萬象新
仰窺圓蓋偃黿臙
龍沖都柱驚坤軸
望入星躔候北辰
日挾陽烏符盜晷
春浮元氣上儀輪
思侔玄化稱平子
太史于今恐後身

贈布呼齊侍御

奕世威名大樹蕭
孫支騰秀見英標
肅清吏黠懷三畏
摩拊民瘼入六條
烏府共推清廟器
黑頭行插侍中貂
仕優政有詩書樂
洗耳齊竽聽舜韶

廣平毛巨源壽萱堂

百順無尊五福榮
華堂高揭綠萱名
鳳花雅負忘憂草
蟻酒香翻獻壽觥
蘭玉照庭連秀氣
珮環合節有儀刑
東風細颭簾旌繡
會見鸞書下玉京

張子惠母夫人手卷

夫人內治日嚴貞定省歸時有訓懲孝感庭幃深色養
德融民社見春凝凱風吹棘心何切宿草含輝樂不勝
七子有材俱茂異慶門從此福川增

王太君授誥正月十四日拜慶家庭

隆福宮深淑景長今年壽席倍恩光鸞回紫誥擎來重
花覆璫輿暖更香象服委蛇儀範遠兩宮朝賀珮環鏘
細傾洗玉池邊酒常領春風拜北堂

送趙提舉之順昌縣尹

字仲速

望入江城鴈影翩春風吹上洞庭船幾年戟藝東湖上
一日觀光北斗邊慶賞莫誇王勃序吟鞍歸裊繞朝鞭
詩雖六義功非易未厭蟲魚學鄭箋

送李司馬任順德總尹

司馬桓桓漢徹侯十年藩府佐邊籌氣凌朔漠三秋雪
人在元龍百尺樓已濟時艱完大節又宣風化入南州
知君致澤平生事行聽民謠詠八騶

順德道中

魏勃何人擁使軺鵲山東下半林
臯清霜原野鷗盤健
明月關河鴈影高
遊宦有心空載質
宰平無策漫操刀
黃金臺上燕昭相
甘為摠衣授六韜

贈中山賈仲器

刻書工賈仲器中山永平人諱德玉為人誠信多巧
思平生好讀許慎說文解識字意故刊書之際多所
助益衆工讓能推為方今第一手近趙人木甲氏亦
稱善碑刻者膠書紙於石立鐫全文略不失真未審

與仲器所刻氣韻為何如也賈今年近七旬技精不
少衰白髮蒼顏兩目鵠視似恥與凡禽為伍耳來求
詩書此為贈

翠琰梁停有異觀賈生琨削近烏蘭須知成已填書藝
信是春坊刻玉官千字誅精山鬼泣一鐙思苦夜臺寒
惜君不致山陰襖八法從渠入木看

乙亥歲京師除夜

住京誰計畫權錢戀闕心丹力不全干祿自慙三釜粟

借車津遣五窮舩故鄉此夜偏多感衰鬢明朝又一年
乞得殘骸便歸去草堂猿鶴已悽然

庚子元日賀荀嘉甫授徽政院長史

忠孝堂堂漢宇孫更忙相見每留髡掃愁不為青藤酒
展賀來敲白版門中議素高徽政府清吟時接謝公整
老夫幸有西池遇東閣垂思合細論

詩呈平章公

漢家六合恢文治雨露恩深到海涵機務救時傳世業

衣冠故里仰華簪
闔門饑凍心雖切
七秩歸休分亦堪
一語倘蒙天眄去
故山春滿讀書龕

謹按遺山筆錄載梁氏家世甚詳
中有云斗南先生
登明昌二年進士
為人讀書精熟
喜作闕日幹局吏
能剖繁治劇
不肯下一世人人闕
長于機務
可謂有乃祖之風矣
故有傳世業之句
附于詩左

雲卿郎中方以嗣續致慮
側聞美璋喜作詩為

賀

平生陰德爛于門，況復昌黎一氣氲。
詩夢占祥元有兆，大賢之後豈無人。
蘭芽秀茁根初異，海果生遲實自珍。
我老喜為湯餅客，一杯光動竹亭春。

夢昇天詩

庚子春正月壬午日夜夢天風吹來星漢未曙梯雲
上征極天宇而止予倚雲下視倒影四垂滉漾滅沒
有不可望焉者既而覺清寒逼人神思飄颻毛髮為
森豎也遂躡空而下入道室與張仙翁遇良久出翠

拂紫端相遺而寤夜漏下二十刻矣予平日異夢甚
多皆莫之比因作詩以紀其詳

沈沈玉漏三更後鵬背扶搖九萬搏彤管夢傳江令筆
紫袍歸抱上巖端蒼溟出日瞻天近碧落銀河照眼寬
欲躡帝廷誰汝畫九霄風露不勝寒

繼張參政守歲詩韻兼寓鄙懷

道號
秀江

官冷何心日九遷雀羅庭戶任蕭然盍簪省闥和三益
珥筆螭頭整八年臘味漫斟燕市酒春風誰送米家船

西山日暮歸來晚自斷行藏不問天

庚子正月十一日夜夢中丞崔公顧揖間已知
身故談笑眄睐殆若平生殊朗然也

宿露紅蒸海日曛分明來與一樽同烟開紫閣門闌外
思遶金根豹尾中鐵柱高標臺闌在遊魂淒斷夜堂空
一宵鬼伯相催去天上人間獨有公

介郡君王太夫人壽

寶香鸞誥鬱宮羅春動麻姑送酒歌森玉堦庭花映座

試燈門下月舒波華筵燕喜乘軒貴白髮光陰得壽多
五福人間誰得似金盤傾露醉紅螺

送曠秀才奎東還廬陵

并序

奎家世居吉州安成人幼讀父書弱冠游學四方歲
丁酉由長沙泛荆湘泝巴蜀寓錦城邂逅高相一見
傾蓋留連二歲戊戌春學士菊巖降香至蜀會於錦
官辱相知夜雨連床春風嘯詠臨別且贈以言而有
天都之約會有司以茂異舉達之風憲適高相移鎮

江浙附驥東來分攜于驪山之下臘月抵京師諸公
協薦于春官但奎以親老家貧倚門有望而動高堂
式微之嘆遂丐之當塗欲安分義俾行省于學官委
任焉因賡嚴韻為餞且寄聲左相高公云

廬陵俊造以奎名投刺來登北海瀛白壁定交高相義
錦官持論蜀江清幾年書劍悲游宦一曲滄浪聽濯纓
聞說歐詹歸有德停雲回首夢柴荆

大德四年五月中旬余從太史郭若思求畫周

文公肖像者數日竟以事奪因作此詩以見
鄙意幸賜采覽

十年寤寐周公像幾向軒墀拜統絃宗祖配天終北面
洗兵回雨見東征道存履舄歌狼跋天動威靈表聖誠
久矣吾衰嗟不復仰儀臺下候神明

賀威衛王公壽

威尉龐眉七秩春不車不杖曳朝紳氣嚴樞筦王猷壯
光動蛟龍羽扇新衛武賦詩申傲抑廉頗一飯見精神

因公重惜麒麟筆待與金城老寫真

無盡歲

山海沉雄斗極邊
洄江東滙玉為淵
停雲晴佇思親望
繡帶香翻上塚船
山色水光無盡極
竹風松月共清妍
千年山立梁中憲
長與坡仙共一天

壽梁太夫人

雲開真館桂華新
婺彩穿簾瑞靄氤
羽翼兩朝梁左相
起居八座太夫人
香翻錦字鸞回誥
花滿金盤脯擗麟

聞道麻姑來獻壽一杯春露闕平津

贈相士李達

蒼狗雲衣耐事何都城風物閱人多神光爛爛開岩電
法語琅琅振玉珂每詫顛竒觀慶厯閒評鈞幹過銅駝
春融不逐秋陽老一笑西風付踏歌

題無名亭詩

韓右司雲卿築亭於所居後圃不侈不陋面勢軒檻
爽朗靜深窈而有容公餘盤礴披玩法書名畫其間

心適體胖沖然有得所收家數內陳無名闕最為之
冠其文甚蔚如春雲出谷態度不一信可怡悅而友
也用扁為亭名且見夫主人平昔篤志立行務造實
理不事表暴之意喜為賦詩以歌詠之其詞曰

朝回守口澹於餅觸事初無寵辱驚道自上經元有說
顏瞻新扁本無營書傳遺帖三倉古披搆高堂一雪成
快意只須輝獻議出門長笑大江橫

題萬知府瑞麥圖

二岐至
五岐

汝南今歲麥連雲一氣祥蒸德化循春露潤含干壠秀
薰風披拂五岐新嘉禾共穎宜同頌神草聯莖恐謾珍
旌異潁川元有例會聽增秩佐經綸

送李景山宣慰夜郎仍用留別詩韻

雪山瀘水兩迢遙天暢恩威壯本朝萬卷堂中人寂寂
雙旌門外馬蕭蕭雄文喻蜀知無敵虎韞垂昭不待招
許國壯心如此健夜郎風教儘敷條

感舊書懷

宮漏穿花隔掖垣，彤庭雲靜鎖秋烟。
中堂載筆三千牘，玉署觀光四十年。
麟獲削成周柱史，座寒誰憶廣文壇。
應憐春草東郊思，老馬何心覲二天。

簾筆

貯雲含霧來江浙，紗罩金盤舞鳳纖。
裁翦細筒裝紫穎，卷舒彤管束紅簾。
鼠鬚挫銳藏燕拂，內史傳經寄道龕。
自是陸卿多巧思，猩毛貂尾兩無慙。

一作南江陸秀卿
一作誰是玉堂龜

鶴夜聞仙

火寄雲參

送布呼齊行臺中丞

漢家二十六將軍忠孝如君萃一門
痛惜鯨波吹屬甲盡將臺憲付諸孫
維持根底餘忠厚包總時情貴直溫
攬轡澄清吾志在風沙先霽石城昏

寄何參政

郎山山下讀書堂萬卷芸香綴夜光
贊善皆推東道主賢參高卧北窻
涼林鳥返哺犍為守易水悲風劍客鄉
擊筑會傾高麥酒滿壇秋草酌昭王

贈雕鏃舒穆魯世亨

舒郎來自汝之墳性解雕鏃到奪真一握錐刀修月巧
滿龕龍像雨花紛趨庭過我求名諱刻木先君表世臣
家廟薦蘋吾祭在露堂冠佩待三薰

贈道者李雲叟

道人姓李氏諱道謙出東齊世家年十六歛有悟棄
家入道禮丹陽馬公高弟劉為師既冠長游諸方洞
天參求玄契又嘗園居於陝多積靜功時人以有道

許之今主東雍之神霄宮曰雲叟者蓋其別號云昔
王逸少與謝安石嘗東遊海嶠飄然有雲霞高舉之
志今亦以是稱豈其遺意耶秋澗翁序

生龜脫筍豈易事假手柱史驅羣魔平生繕性契真訣
萬應剗中付踏歌遼鶴歸飛三島近道心安處一瓢多
超然獨立雲霞表浩浩流光看擲梭

題葛氏臨漳五福堂

澹澹河流紫陌長青林東下望臨漳蒼烟拱木三臺里

書頁翻香五福堂通德絳帷多故老謝家庭樹見諸郎
兩公出處有深意常記吾親話故鄉

龜詩

閩學士屬

數尾已知三百歲息胎更活幾千齡誤投罟網寧無夢
曾獻箕疇信有靈好共鶴嬉當碧逕莫趨鼈負向滄溟
松間竹下遶遶地長伴霜髯老壽星

送僧印東還鍾離詩

并序

予寓居安貞里東行百舉武有精舍曰文殊僕方謝

事需命間一往焉與僧法印號無文晤言以適吾懷
因知師系出濠之郭氏其先東平人祖班常為弋陽
部將死王事後葬於此父珍亦為州之機宜官師幼
讀儒書長習陰陽風角等術既而悟塵世虛幻遁入
招信嘉山尋師學浮屠法清修苦行致價重一時為
兩淮朱制閩所尊敬特起華嚴禪院為棲息之所仍
誦其品目追報母恩江淮平飛錫五臺禮文殊光相
遂抵京師參印叢林富觀大乘其氣象安心枯寂脫

屣榮利飄飄然如孤雲野鶴任其去來若不為形迹
所累者泝其東歸賦詩以贈其詞曰

鍾離老衲印無文燕薊常游寄此身一片野雲橫碧落
半窻寒日弄游塵經龕入定依殘供帝里相逢有故人
我亦天涯倦遊客幾回歸卜問通津

保定曾總管清隱亭詩卷

平生不識將軍面開卷題詩得姓名清隱已安三徑樂
賓筵時雜五侯鯖春郊羽獵來緹騎烟渚沙鷗有憶盟

聞說懿公多賜物過門求閱儘名卿

餘慶堂銅臺趙御史

鴈塔題名奕葉香教開婉婉亦多方須知培植根基厚
遂見滋榮世業昌沙麓昔聞王氏積桂花今接竇家芳
豸冠高映斑衣爛歲歲春風拜北堂

慶耶律祕監九秩之壽

大德辛丑
三月初七

耶離山色照中華孝繼忠傳自一家閱世光陰緣服食
過庭詩禮儘柔嘉啟期榮樂神多與衛武箴規慶未涯

見說壽筵香霧暖
誥恩行墮五雲花

贈雪堂

雲間徙倚妙高臺
蠡吹喧喧海會來
佛界雨花香有信
石塘流水淨無埃
過溪破界東林約
乞米藏書李勉哀
想得大千香積供
維摩方丈白皚皚

贈順德天寧方丈

水晶心孔碧雲思
方外高閒有阿師
滿院綠陰人別後
一欄紅藥客來時
簾扉掩映爐烟直
僧榻留連茗椀遲

何處虛舟虛未得冷翻吟棹衆波隨

送荆書記幹臣北還詩

并序

幹臣參議覆事南來與余遇于襄國連日道舊契濶
之懷豁如也君素能詩及得日本諸作清雄竒麗拂
拂然挾海上風濤之氣令人豈勝嘆賞且聞駕海之
舉千載盛事然江南之險非丘陵可比若以衣裳鱗
介論之任責者當以萬全為言因贖鄙詩敢以略及
邁往凌雲見妙年東征書檄更翩翩萬艘瀛海參戎畫

九點齊州漫野烟卉服終期歸禹貢異聞無復訪齋然
舞干不作三苗舉好為清朝論萬全

董氏家庭拜慶詩

順德少尹董君舜卿太夫人蘇氏系出冀州大家今
年九十有四起居飲啖精健如五六十人以董氏論
之親老而壽家溫而祿雖云賦予攸厚亦孝感所致
壬午夏季十有三日蓋拜慶辰也以歌詩求榮謹書
此以侑壽觴之末

發光分秀下含真來閱人間百歲春子孝每能忠作訓
家肥還自德為鄰庭萱吐鳳明珠樹蓮葉翻香濕繡裯
一曲南薰薦蒲酒慶筵長對歲華新

近按部襄國提舉張子厚為僕留連者月餘既
而得代裕如也因念其治燕南鐵官之人最
為不苟同僚爭出財以助張子之臨財莅政
其為廉幹可知已將行以贈言為榮喜書此

以貽

三十年来舊弟兄，紫髯落落照鄉鄰。
白圭磨徹光無玷，青眼看餘分更親。
均幹有方留後法，泳游何患作潛鱗。
一杯回看河橋柳，亂擺春風約去塵。

挽中書左丞魯齋許公

經綸根極自朱程，小學從容到大行。
安漢固當煩綺聘，要湯初不待伊烹。
辨姦素有批鱗直，旌墓當書積善銘。
雨夜天官臺下夢，分明危坐話平生。

庚伏日大雨

屏翳驅雲障日昏雄風吹雨怒翻盆天高地厚初無際
電激霆砰入并吞造化有神藏妙用枯焦回潤沛深恩
客窻更喜終宵爽滌盡煩歎夜氣存

廣宗董主簿二親同壽八十求詩為慶

七十人間古已稀況登八秩壽眉齊慶延為厚于門積
松茂同欺鵲嶺低棣萼堂深鴿接翼碧梧枝老鳳雙棲
年年長至花開後滿泛春風薦玉螽

留別鎮陽諸公

梧桐葉上雨瀟瀟涼透疎簾夜寂寥長往有懷深霧隱
虛聲何意望弓招三年滄水人情好千里維揚去路遙
多謝諸公挽留意取將衰謬枉清朝

哀清和公

振轡咸池挾日飛識先秦府帶圖輝氣緣剛果疎沉慮
變出倉皇落禍機尚賴聖朝明樸直豈防讒口重緋衣
誰令諸武留遺育悵望烟雲借敬暉

圖回東別鶴鳴軒脫却山衣相有元汲直寢謀推國老

羽淵沉鯨論綸言參旗不掩千年氣楚些難招九死魂
欲雪絳寬吾舌在有書無路達天閣

詩送宋克溫郎中北還

神駢出水氣凌雲一顧曾空冀北羣雞舌試香封事祕
紫宸陪仗絳纓紛茂陵弓箭空秋草麟筆公侯削魯文
從騎不愁逢醉尉暮歸猶識舊將軍

一作茅屋兩檐書
萬卷門前冠蓋盡

浮雲

西池幸遇詩

壬午歲十月十二日憚以承華事略求見引見者工部尚書張九思已刻拜太子於宮西射圃內北前命近侍趨入者再既見問秦始皇如何主憚以所行過暴為對太子首讀明分篇問漢成帝不敢絕馳道事喜甚至輟射繙閱悉問其各篇主意闕張九思未忽乃略為應對讀訖以書闕付董八哥會靜時細聽本末賜酒沾醉而出

射殿風清已午間曳裾挾策拜龍顏首詢帝子龍樓召

喜輟犀弓偃月彎
葵藿儘酬承日志
簡編不負半生閒
滿樽春露沾恩處
光動西池玉筍班

挽元倅善長

危并長遊士子間
襟顏相接藹于蘭
身緣吏隱多時尚
事與心違仗酒寬
千日醉吟愁儘在
一朝卧病衆知難
空懷去歲中秋會
六郡歌頭聽細攤

今春酌別鎮東門
誰料歸來便哭君
每愛醉歌增忼慨
若論友誼更慇懃
谷駒夢杳驚炊甌
寒雁行疎斷朔雲

撫卷題詩倍惆悵有知當徹九泉聞

贈張詹丞子有二首

一拜龍顏見赫臨繼開詹府更良箴執言博士議當取
端本後朝緣自今千慮徒懷愚者料片芹難盡野人心
倘蒙銀字沾恩去未礙東山擁鼻吟

中護名香鶴禁深津津芝宇見雄襟兩坊春色烟花地
一片丹誠羽翼心夜侵不容侵翠鑰布衣仍籍闕華簪
五雲長近前星潤正要乘時作傅霖

贈史中丞并王高二侍郎

天吹驚翻白錦鷹
槍楊還復藉飛騰
嚴城鐘鼓殘更月
客舍風霜半夜燈
老境幾何心未已
清時有味愧無能
一麾倘便公私去
大事生平幸不勝

贈趙禹卿

燕市分攜又六年
眼中雙鬢兩皤然
橐金周急為真樂
畎畝思君類昔賢
韋曲去天纔尺五
田文食客尚三千
相看一笑風神在
不似長鯨吸百川

壽楊奉御五郎

黑頭宜插侍中貂華岳秋高見隼標滿眼風雲承眷顧
四科言語獨超遙時陪采鳳巢阿閣又領春暉上柳條
端尹後朝斯任重視君眉壽等松喬

贈楊吏部子裕

載覲清揚又六年克庭儀鳳更翩翩事條不獨山公啟
風鑑能知漢相賢黃散許除伸素志銓衡停允正吾權
春風密鎖天官署當訝唐人緩所先

秋澗集卷二十三

欽定四庫全書薈要卷一萬六千一百八十集部

秋澗集卷二十四

元 王惲 撰

七言絕句

寄張孝先

愛而不見我心勞
好在天池刷羽毛
一曲紫簫風露冷
黑山無際月明高

寄贈王嘉父

十日休閒一到衙
冷官滋味賈長沙
醉歸多趁湖南月

馬上披香直到家

送王子勉天壇行香

山川望秩走星輶
藩府懷賢夢想勞
不為碧雞金馬異
漢家優禮起王褒

蕭徵君哀詞

東瀛先生有道之士也
余以里閭故獲展履綦之拜
盖十有一年矣
今茲云亡謹撫其見聞之實作追懷
之詩六首姑達乎感慨云爾

圯上求書約重過
豈期遐想仰山河
適來適去公常事
親見先生曳杖過

含悲空炷影前香
風袂泠然返帝鄉
鶴馭不來塵世隔
芙蓉城闕月茫茫

李白長鯨汗漫期
秋山魂冷未來歸
傷心執紼西川路
何止羊曇淚滿衣

鬱鬱佳城晝不開
玉霄東望靄蓬萊
空懷華表城頭柱
會有他年化鶴來

萬事生平委自然竹風松月共清圓
衣塵纔拂朝元去忍向人間久棄捐

樓觀纔成人已非身前毫髮恨無遺
空餘讀易壇邊竹露葉青青若淚垂

比干墓

玉骨琅琅盡古丘凜然英氣尚橫秋
朱游訕訐何為者敢辱先生地下遊

雪夜

暮雪紛紛亂掩窗
床頭無酒只空缸
壯懷俱與爐灰冷
惟有詩魔苦不降

旋呵凍筆吟冰柱
急掃風花煮夜茶
客去焚香閉門坐
小齋初不羨山家

八月十四夜與雷彥正步月

秋聲入戶夜蟲多
辜負金樽漾月波
燭暗香殘人欲去
滿庭風露影婆娑

車水

鏡中流水畫中山酒盡銀鉞興未闌碧玉沼深人不見
柳花飛度翠琅玕

夜過滑州

黑悄軍聲動地來魏人宵濟宋師迴而今一統無南北
月下搖鞭過滑臺

跋龍眠二駿圖

玉塞沙平首笛繁渥洼春水泛晴瀾幾時扈從長楊獵
一片紅雲拂繡鞍

漢家天子狩陰山萬馬憑陵汗血殷早晚華陽春草地
粃粃得似畫圖間

美人却扇圖

寶檻承恩妬露華背金翻日羨宮鴉幽閒好備關雎德
望絕羊車失自誇

絕代佳人擬罕儔幽閒無夢到河鳩春風靜鎖昭陽院
落盡庭花轉自愁

遊瓊華島

中統元年作

鳥語山容喜客來
耿純襟抱若為開
六龍冷駐陰山雪
暫擬層巔作望臺

芙蓉水殿紫巖松
六月雲蒸比雪宮
樂部不聞清夜曲
舜絃聲裏詠南風

蓬萊雲氣海中央
薰徹瑤華露影香
一炬忽收天上去
謾從焦土說阿房

五雲仙島戴靈鼈
老盡瓊華到野蒿
惆悵津陽門外去
春風飄亂酒旗高

大定明昌五十年論功當出漢唐前儘消一島承清讌
且置堯階頌采椽

躡盡寒雲最上層土花春碧夢觚稜江山如畫人空老
更倚殘陽望道陵

玉樹歌聲繞北墟朔風吹恨入南都六鼇不戴三山去
留與都人泣鼎湖

光泰門東日月躔五雲仙仗記當年不煩細讀江南賦
老樹遺臺倍黯然

杜莘老荒山訪友圖

隆中人有鹿門期
梁父吟餘獨杖藜
殆似老龐歸向晚
釣船猶艤暮江西

秋懷

效樂
天體

閒書遮眼睡昏昏
飽食無茶腹自捫
斜日倚門風乍起
滿庭黃葉擁籬根

早起

星河黯淡湛玄雲
露下庭柯落葉紛
夜氣遠從天際斂

秋聲時向樹頭聞

冬日與呂丈讀毛詩廿二首

婦道防閑貴有初
文姜失御從雲如何殊
笱敝梁空在
秋水誠多得計魚

笱敝

服御鮮明擬大君
鞞擊汶陽春載驅
既匪勤王事
隱惡能無播萬民

載驅

濟濟儀威美且都
詩人流詠入嗟吁
齊家為失防閑禮

禦亂無多金僕姑

嗟 荷



為國規模以德將恬然風俗入安疆新婚服褌既匪禮

葛屨凌霜尤失常

葛屨

汾水悠悠宛一方條桑採賣僕夫當誰知粲粲耗車子

終日傾筐沮如旁

汾沮如

得民方可固邦基此道幽深莫我知却憶賓庭陳百旅

棘桃猶足備多儀

園有桃

地狹民稠十畝間來歸來逝共閑閑何當一復周家制

各守封疆絕往還

十畝之間

邦畿蹙近四鄰侵行役無時怨抑深陟岵遐瞻私自慰
倚門應甚望雲心

岵陟

不畋安得獸懸門匪稼胡為禾積困但恃鄙貪居祿位
不能無愧伐檀人

伐檀

碩鼠歌詩怨已成三年貫汝未聊生熙熙彼土雖云樂
猶抱遲遲去國情

碩鼠

皂緜示約人從化玉樹歌淫國旋空蟋蟀戒深垂萬世
由來奢儉貴乎中

蟋蟀

隰原尚賴樞榆蔭人主憂勤貴一身堪鄙晉昭徒自苦

只將鐘鼓樂他人

山有樞

粼粼白石水揚揚宗國由來日盛強木末倘從師服諫

爭教耦國似田常

水揚之

沃土分封自晉昭子孫蕃衍喻園椒大夫休起盈升嘆

宗本顛披爾遠條

聊椒

束楚綢繆仰見星時危婚嫁禮難成却思王季興岐日

內外俱無怨曠情

綢繆

骨肉凋零失所親
徒行踽踽一身存
不如杖杜春前樹

枝葉猶能庇本根

杜 杖

服御羔裘豹飾祛
國人不恤反居居
豈無他所攜持去

恩好猶懷未忍踈

羔 裘

孝養庭幃士乃常
反教執役事戎行
悠悠仰面蒼天渺

失所何如鵠在桑

鵠 羽

晉國流風屬變攜
武公反思正依依
誰知問鼎傷肩際

肯獨尊王請命衣

無 衣

道左溥溥杖杜春清陰猶得庇行人國強須賴羣賢輔

孤特何為任一身

有杖
之杜

斂生蔓野葛蒙枝女子從人得所依衾枕未溫征役遠

庶幾百歲願全歸

葛
生

晉獻聽讒似采苓竟從微隱殺申生後王采察能明遠

譖愬雖多自不行

采
苓

梁園對月

兒時曾住汴梁城二十年来重此行一片鳳凰池上月

向人還似舊時明

過蕩陰東周留村

一灣流水麥青青楊柳陰中野
約橫幾樹桃花如舊識
隔溪無語笑相迎

喜蕭茂先得雄

未聽啼聲骨已奇桂林安取野棠枝
老髯嗜學初心在
剩備箱書付阿宜

滿紙新詩羨寧馨慰心尤喜老來情
壽兒此去如春筍

玉節亭亭脫錦綉

夏夜

野雲明處電飛光
海繹青浮落日黃
想得近山多雨過
滿庭風竹月波涼

夢中賦月燈詩

風外筠竿倚暮烟
忽驚羣日帝堯年
天公两眼何常暗
底用分光照一偏

遊泰山雜詩

胚融萬化羣龍首丘垤諸山五岳宗茂陵闕

世

岱神何意望東封

祖龍東巡擅雄豪天門風雨幾遁逃虞帝不來天自老
秦碑空倚禪壇高

衆山迤邐朝西東帝孫突出天之中巨靈不劈蒼崖斷
雖有絕頂誰能通

何年氣母此融結大小天門五十盤三峰自是神明觀
漠漠陰風走石壇

岱宗巖巖靈氣宅雲烟物外爭新奇世事難必有如此
吾欲入海從安期

綰茁元氣通滄海霧湧雲蒸一水山五十連城望霖雨
少分餘潤到人間

萬壑璫林映碧崖雲間三頃鬱霄臺摩挲御帳殘松樹
曾見秦皇漢武來

路從御帳北艱屯松頂雲癡日脚昏上盡曲盤十八折
仰看猶自有天門

盪胸滄鬱陰雲生行出天門路漸平脚力有餘中頂近
徘徊應為紀山銘

朝暎爛爛烘層巔天門直下屯蒼烟乾坤故為作開闔
世界幻入兜羅天

何限詩人不克登杖藜直到最高層壁間速即留題去
雲起封中冷不勝

東山何高四十里萬古通天只一門不知洞府深幾許
宿雲無數儘雄吞

雄觀駭絕東溟日逸駕高於北海鵬更看山靈出奇貨
千巖蒼雪玉稜層

雪林虎跡過新蹄石磴雲霾步步低多謝山靈相擁護

一杯無事到中溪

中溪神祠名
在山門口

贈相者李吉甫

仙機分自洞中春閱盡長安市上人留取神光牛背上
要其着眼過天津

跋豐稔還鄉圖

廟堂真宰拜姚崇
斗米三錢四海同
今日太平應有象
畫家消息恐難工

過邯鄲

層臺高與暮雲齊
全趙河山入望低
貪和野花雙塔向
夕陽又下故城西

我自驅車下九門
眼中襄國動吟魂
從教兩鬢渾如雪
猶喜歸來故步存

黃梁夢短不須驚
滿馬紅塵過趙城
獨上荒臺重惆悵

野煙無處認溫明

題雪谷早行圖

頭痛風災萬里程行人何限把雙旌
犯寒休訝征車早冷嶺東邊是帝城

新店看山望京樓

喜入關南百里川朔風邊雪頓醒然
夕陽欲下蒼烟起看盡西南破墨山

秋雨靖山道中

一重一掩吾肺腑老雨荒山記北還人在碧烟深澗底
仰看元氣擁雲間

酌百泉水

去時蘭佩惹春烟歸日羸驂跨敗韉賴有百門山下水
療饑猶可度終年

偶書

郝卿持節使江臯子勉翱翔主御曹我幸閉門無一事
醉餐秋菊讀離騷

跋司馬溫公燕處圖

獨樂園深百草香一編心與道相忘不妨卧老琴書裏
破散青苗有百章

道與晴雲任卷舒心存廊廟跡江湖石君被譴公孫死
轉愧先生燕處圖

擁馬留公作帝箴人心大抵是天心惠卿未死舒王在
一集傳家了古今

壬戌歲除夜

坐久虛窻夜氣澄未容心事淡於冰滿襟忠血傷時淚
一點清光教子燈

春風萬里圖

人間塵土日紛拏流水空山半落花自是道心游物外
不須誇誕說流沙

蓮社圖二首

人間廬阜東南勝兩晉名流最賞音阿麟因之出新意
秋香和月寫東林

鬢絲禪榻喜相同詩在秋香

闕

千古風流社中客

不隨江月照還空

跋滄江待渡圖

朝醉新菑暮錦鱗一篙獨占上游行且休熟睡秋蓬底
無限津頭望濟人

隆中高卧恥為邦雪裡呼舩渡晚江蒼舊幾人堪晤語
徑須特訪鹿門龐

贈別王晉卿

漢署千官列鴈行
九天獨被繡衣光
布衣自笑題詩客
空抱澄清望八荒

青鎖仙郎被服新
寵光千丈爛盈門
何時得侍紅雲表
竭節同酬一命恩

劍履翩翩趣北歸
秋衾日夜夢彤幃
長楊輦路都門柳
恰及飛花點繡衣

挽蘭同知進之

留心藥籠緣多病
歷任鄰藩便暮年
回首西州門外道

偃然長寢兩相捐

行年六十不為歿貳政三州有足稱伯道有兒終抱恨
夜窻無及讀書燈

一丘黃土清溪曲三尺蒼髯六十身千古桐鄉遺愛在
只須秋草卧麒麟

得調澶淵幾載考自營墓穴已三年幾回對客親曾說
埋近清溪性所便

翩翩老騎赴征車前日東城別路隅酒榼素箏今寂寞

河山依舊繞黃壚

戊辰後正月七日雪

北風一雪麥田空
坑谷堆平滿棘叢
近日化工無素物
總將春色到蒿蓬

戊辰門帖子

安分愛尋蕭遠論
廣騷庸讀楚臣辭
里人莫訝三冬蟄
一寸丹心用有時

送劉主簿文遠赴都

仕途坦坦駕輕車殆似劉君赴部除不枉洛南溫處士
半生清苦待徵書

終南捷徑霾荒靄吏部銓衡到至公相過不須論出處
季鷹門巷幾秋風

除官限自三年例計月須憑一考優聞說聖皇思治切
夢賢無夜不巖幽

貢璧輸琛買煦濡萬言不博一除書秋風雨後河山底
自把鋤犁計未疎

求官自古近長安格法如應事不難說與磻溪溪上叟
且須寧耐把魚竿

題薛微之遺安堂

靜思富貴履危機醉着人心死不知愛殺遺安堂上客
此心還與應門期

清樾蘭皋百畝陰兩椽精舍倚雲深一鞭春事東風裏
劉表何人識此心

因題前詩偶書

山林長往廟堂居一襲時衣飯兩盃溫飽較來均大槩
忍尋機穿博頭顱

挽趙教授公淨

目擊冠裳一老儒爭教滄海失遺珠細思晚起山齋語
地下修文事本無

淵源分派大中君偶讀殘碑得古文河潤祇能霑再世
不須回首愴蒿焄

儒林遊戲入禪關晚節浮沉里社間異日衛人徵故事

為公援例取香山

辛苦生平篆刻勞也
霑汀草亂春袍有兒不肄中郎業
却是先生一着高

是是非非到蓋棺
誤身無似戴儒冠
蒼涼一片共山月
照徹先生首宿盤

生理蕭條奈老何
春風着處是行窩
哀歌偶及生存事
却恐羊曇淚更多

因著圖經大起予
發揚潛德到幽墟
案頭幾卷遺編在

愛惜過於汲冢書

跋申達夫藍采和扇頭

一踏高歌了世緣
春風兩袖地行仙
無端忙殺癡兒輩
貫朽都來有幾錢

謁梁太師王彥章祠

太師祠廟汶城西
塚上纍纍日漸低
惟有英聲消不得
至今高與泰山齊

雨後溪田即事

朝來一雨曙光微
高樹涼多露未晞
喜約老農來看稼
不辭霑濕芟荷衣

清寒墟落漲秋濤
溪上行吟樂已陶
洞口未容烟鎖斷
更須時上武陵舸

平明新漲復溪痕
曉月搖光映棘門
騷客不愁漁箔短
縱教魚鱉長兒孫

三年耕養一經通
水旱豐凶更在中
貢法不來神聽遠
此生窮達仰天公

種樹書殘倚釣竿日長微暑喜清寒華堂去水無多地
雙足時來踏碧瀾

錄役者語

十人供役二三迴困似車輪半道摧眼底去留生死隔
爭如先作陌頭灰

士戰何年是了期為王從此不知疲一門親削宣尼筆
為國勞民貴有時

一夫詛祭九魂知護我南行爾亦歸惆悵桑乾河畔月

至今寒影慘無輝

或云河南役夫既罷歸九者皆歿其一負衆骨而西
渡瀘溝因祭而祝曰今汝等既歿我幸獨全抱汝骨
以歸汝等有靈當佑我使與汝父母妻子行相見也
其人前次范陽亦病死

工無役鬼必勤民萬雉功成歲月因從古有庸三日止
未聞膏血化灰塵

今春疫氣是天災百日為期力儘能三尺席菴連雨夜

杵聲纔歇哭聲來

火中渙汗土中蘇
却被車轟殞半途
六月炎風一千里
大河南北看巢居

病骸困苦自知休
叮囑同行瘞故丘
父母祇知安健在
計程今日過瀘溝

父來接子值同途
欲話渠儂涕泗俱
昨日道邊因困卧
不知今日有還無

病軀甫瘥須扶護
趁伴貪程日夜奔
大半殍遺多為此

故鄉歸去有殘魂

蕩蕩王城玉削裁
青山三面壯圖開
興功計產能中止
狼籍春風一露臺

數口為家尚聚廬
一王經野古良圖
限期百日非為遠
部役羣工事太劬

觀風浪中回舟

風蕩輕舟一葉迴
望中掀舞碧濤堆
舟人若解臨觀恐
迂緩甘從遠道來

清溪晚眺

洲渚橫陳水退餘
兩行風柳映菰蒲
暝烟誰踏扁舟去
望際漁燈一點孤

題陳德秀東臺手卷

井落星躔一炬殘
市門留入畫圖看
祇應千載東臺月
長照鄉人說社壇

至元戊辰應聘憲臺留別淇上諸公夢中得

金馬門中金馬臣
銅駝巷陌歲華新
閒雲也被風吹散

去作千門萬戶春

竹林幽隱圖

西晉風流號七賢
筆床茶竈共林烟
嵇琴響絕千年後
喜見清風一再傳

清時有味此閒身
不可一日無此君
着脚歲寒堂上去
秋風門外葉繽紛

蘇嶺桑麻社曲田
歲寒誰似見君賢
鳴歌不種南山豆
千畝風煙學渭川

昔賢愛竹與竹友出處總得高人名今人未著林頭屐
里社歸來晝錦榮

共城瀟洒似江南萬竹幽棲老所堪李沆似為諸子計
北山先掃讀書龕

烟雨溪南百畝春盡將清景屬閒身河山不隔黃壚斷
却恐功名老逼人

秋夜獨坐

讀書聲歇燭華殘潤入琴絃覺夜寒寂寞小窻雲影薄

隔簾梧葉雨聲乾

仙遊曲五絕

春山雲白紫芝肥
歲歲征駢動漢儀
政自修身傳治本
不緣幽睡試希夷

鶴護龍香醮夜壇
露桃花影記驂鸞
碧雲暮合秋空迥
石上清風漠漠寒

庭竹無人綠滿窻
幽香和露濕霓幢
日長孤絕壇邊鶴
啄徧晴苔影一雙

漢家拜望竹宮壇環佩聲沉碧落寒遙憶受釐宣室夜
一言前席萬方安

金簡朝元擁玉華碧壺香滿謫仙家石壇冷挂銀潢水
會待秋風送客槎

六度寺

荒村到寺纔一里古屋懸崖廢幾間從此重經題品過
衛人方識有壇山

山下石田百畝餘子孫眷戀祖來居向人爭說新官好

二稅輸來雜泛無

縈紆一水蟠深澗野叟何知說太公壇下古碑堪晤語
大書深刻太康中

太行東麓太公泉喬木蒼烟擁壞垣千載祗應尊有德
不須深泥竹書言

老鷓鋪雛百丈崖羽毛纔鷓獵人來孤懷牢落風埃底
何處呼鷹是故臺

聖泉流潤過南村共說來年雨水勻山若有靈能假手

六花先壓壘頭塵

支撐佛宇老風烟歲月仍題聖歷年零落亂山終悵望
捫蘿應欠入香泉

先子能聲以吏聞生平游戲見詩文遺書忽入孤兒眼
淚洒西山日暮雲

鷹揚來自鎬函西草木荒山僻壘低賣食解牛真妄說
斷碑明指是殷溪

山中宿麥苦無多喜見團科際雨坡縱未庸收終有望

入城容易揭差科

同劉勸農彥和葛縣令祐之遊蒼谷口

四山遮盡外來風
山崦人家不覺冬
獨立蒼崖重回首
山形渾似入居庸

夕陽西下暮山稠
崖下蒼池似炭湫
把釣不愁雷火出
品題應為此山留

近山風俗果溫純
知有從來縣令尊
癡老杖扶爭致語
不嫌山野過柴門

山神說是宰公身野老爭來話本因採玉得仙俱恍惚
至今功利及斯民

九龍分部中天雨何處癡蟠睡不開一勺鳳凰山下水
有時風雨洗天來

方山忽斷兩崖開中有蒼河自北來行出山門俱不見
玉龍翻作地中雷

不須犀火瞰蒼灣萬古幽陰鬼所寰山下黃塵三百丈
巢居安忍插天山

地爐火在壁燈昏睡覺山堂笑語溫
豆粥一盃官事了
緩搖吟轡出山門

贈星斗客冷景發

六甲星躔入苦心術窮滄海別穿深
滕王閣上三杯酒
曾博相如換賦金

萬類芸芸固不齊一推能盡未來機
向渠待闕
福
早晚台光映紫微

炯炯雙瞳楚語紛闖懷陰窵失崖垠
坡仙有句堪書贈

醉裏微言更近真

有命何曾論智愚班超傭筆衛青奴自從遇着洪都客
豁得胸中俊氣無

半生心事苦蹉跎其奈胸中不朽何鳧鶴短長俱有數
魯卿三昧聖之和

遊霖落山雜詩

東山削出翠芙蓉西壑砭砭貯雪風人說魏王曾避暑
殿基猶是舊離宮

隆從悲臺倚寺西山空留在舊禪扉老猿叫月蒼烟去
曾伴山僧夜半歸


青山斷處塔層層廢殿臨崖枕虎形千丈畫屏宜晚對
野烟飛去助空青

絕磴穿雲老蘚蒼捫蘿行到贊公房寶香今徹華嚴壁
木客猶誇夜有光

滴乳巖前挂瀑流清林飛洒動高秋玉龍躍入青冥去
堆疊蒼烟萬壑愁

秋澗集卷二十四

謹按卷二十三第七頁後八行布呼齊舊作不蘭奚今改
十七頁前一行布呼齊舊作普蘭溪今改 十七頁
後一行舒穆魯舊作石赫今改後倣此



總校官進士臣胡榮

校對官學正臣卜惟吉

騰錄監生臣陸朝愈